

13. 11. 2017

**Uunga siunnersuut: Inuit innarluutillit tapersorsorneqarnissaannutpillugu Inatsisartut Inatsisaat nr. xx, xxx xx 2017-imeersoq.**  
(Ilaqutariinnermut, Naligiissitaanermut, Isumaginninnermut Inatsisinillu atuutsitsinnermut Naalakkersuisoq)

Matumuuna Inuit innarluutillit tapersorsorneqarnissaannut Inatsisissatut siunnersuut Naalakkersuisut saqqummiussaannut Siumumiit imannak oqaaseqassaagut.

Aallaqqaasiullugu oqaatigerusupparput Inatsisartut peqqussutaat nr. 7, 3. November 1994-meersoq kiisami taarserneqarnissaa siunertaralugu Naalakkersuisut saqqummiussinialermata.

Neriulluarsimagaluarput annertuumik pitsanngorsaasoqarnialersoq. Ajoraluartumillu paasinarpoq Inatsisit Nalunaarutillu atuuttut aallaavigalugit allagaasoq, taamaattumillu annertunerusumik Innarluutillit ulluinnarni atugarisaannut pitsanngorsaataasussatut isikkoqarnani.

Nuannaarutigalugu qinersivimmi uani innarluutillit pillugit suliniutit maannamut pilersinneqartut suli pitsanngoriartutut angusaqarfiummata. Uani aamma pineqarput nunatta avataanut inissinneqarsimasut immikkut eqqumaffigineqarnissaat anguniakkani ilaatinneqarmata.

Ilanngullugu maluginiagassaavoq susassaqartut arlallit akimorlugit suleqatigiinnissaq aaqqissuullua-gaasumillu ataqatigiissaarinnissaq piareersarneqarsimmata. Taamaattumik oqartariarpoq tasioqati-giinneq siammasissoq atorlugu innarluutillit sullinneqarnerat atukkatigullu oqilisaasoqarnikkut pitsanngorsaavigineqalermata. Tamatuminnngalu tamakkiisumik Siumut suleqataanissaminut piareersimavoq.

Inatsisissatut siunnersuutigineqartut katillugit §94-nik amerlassusillit ataatsimut eqikkarneranni takuneqarsinnaavoq qanoq siammasitsigisumik aaqqissuussinnissaq pilersaarutigineqarsimasoq. Siumumiilli makku pingaarnertut maluginiakkatsinni immikkut apeqquserusuppavut:

1. §8 Imm. 2 Naapertorlugu imannak paasisariaqarnerpa 18-it inorlugit ukiulik nuuttaria-qassaguni assersuutigalugu illoqarfimmut allamut taava angajoqqaajusut nooqataasinnaa-nerannik kommunalbestyrelse ataqatigiissaarinnissaq isumagissagaa?

2. §12 Qitiusumik Inissiinissamut innersuussisarfik qanoq sulisoqarnikkut aaqqissuussiffigineqar-nissaa takorloorneqarpa?
3. §14 Naalackersuisut qitiusumik nakkutilliinermik ingerlatsivimmik pilersitsinissaat taavalu Isumaginninnermut Aqutsisoqarfik-llu immikkut immikkoortortaqaarniarpat?
4. Inummut ataatsimut tunngatillugu suliamut ataatsimut tunngatillugu paarlaassisoqarsinnaanera aporfissaqangila? (Uani eqqarsaatigineqarput Kommunalbestyrelsit Naalackersuisullu ataanni suliaqartut)
5. Kapitali 4, §17 naapertorlugu nuna tamakkerlugu inunnik innarluutilinnik sullissivimmik pilersitsinissaq sumi pilersinneqassava? (Uani pineqarnerpa Sisimiuni pilersinneqartoq)
6. §19 Kommunalbestyrelse inunnut innarluutilinnut siunnersuisarnissaa pillugu Naalackersuisut ersarissanissaat Siumumiit kissaatigaarput.
7. §21 Imm. 2 malillugu pikkorissarnerni imaluunniit ilinniartinneqarnerni peqataanissamut kommunalbestyrelse aningaasanik tapersiisinnaanera ilumut pisussatut qulakkeerneqarsinnaava? Ilisimavagummi Kommunit ilai aningaasanik sipaarniarneq pillugu pingaarnersiuisariaqartartut.
8. §27 naapertorlugu qaammammut nalunaaquttap akunneri 15-it tikillugit amerlassusilinni ingiallorteqarnissaa kommunalbestyrelsip neqeroorutigisinnaasaa sipporneqarnissamut pisariaqartitsisoqarpat immikkut qinnuteqartoqarnissaanik periarfissiiva?
9. §31 immikkut maluginiakkatsinni assut naammagisimaarparput qamutit motorillit pillugit peqqinnissaqarfik suliffeqarfilluunniit suleqatigalugu pilersinneqarsinnaammata.
10. §34 naapertorlugu Siumumiit paaserusupparput nammineq angerlarsimaffimmi isumassorneqar-nerup isumaginissaanut taperneqartarneq pillugu ilaqutaasoq pineqarpat aningaasarsiaqartinne-qarnissaa aamma periarfissaanersoq.
11. §36 Kissaatiginarpoq innarluuteqartut suliffeqarfinni sulisut affarmik pensioneqarlutik sap.ak 20-it tiiminik SIK aningaasarsiaat naapertorlugu allatuulli aningaasarsiaqartinneqartarnissaat.
12. §38 Imm. 2 nuannaarutigaaarput angajoqqaatut akisussaasoq sinnisorluunniit aalajangiinissamut peqataatinneqarnissaminut periarfissinneqarmat oqaloqatigineqarnissaminut.
13. §44 iluani amigaatigalugu tikkuarusupparput najugaqatigiiffinnik sanaartornikkut Namminer-sorlutik Oqartussat aningaasaliinikkut tapiissuteqarsinnaalernissaat, soorluttaaq taamaaliortartut utoqqaat illuannik sanaartornermi.
14. Kapitali 10, §66 Imm. 4 Nunatta avataaniittut 24-nik ukioqalernissamik tungaanut ukiumut marloriarlutik angalanissamik qinnuteqarsinnaanerat sumik tunngaveqarpa? Taassumalu malitsigisaanik Imm. 5 innarluutilik 18-it sinnerlugit ukiulik ukiut 10 ulloq unnuarlu angerlarsimaffimmi najugalik taamaallaat ukioq allortarlugu nunaminut tikeraarsinnaasooq?

Tamatuminnga Siumut isumaqarpoq naaperiaasariaqarluni. Uaniami silappaarissusilik pineqartillugu ukioq ataaseq allorlugu qinnuteqarsinnaassappat assigiinngisitsineq angivallaartoq.

15. §73 pillugu ilumut paaserusupparput Kommunalbestyrelsep suliat tamakkiisumik naammassisinnaanera. Ilisimavagummi Kommuneni Inunnik Isumaginnittoqarnikkut qanoq sulisoqarnikkut ilungersoreertigisut. Tamanna Naalackersuisut qanoq qulakkeersinnaavaat?
16. §79 Imm.7 Malittarisassanik ersarinnerusumik Naalackersuisut aalajangersaanissaat qaqugukkut pinissaa naatsorsuutigineqarsinnaava?
17. §85 Imm. 4 Innarluutilinnut siunnersuisooqatigiit pilersinneqarnissaannut assut isumalluarneput naammagisimaaratsigu erseqqissarusupparput.

Qulaani apeqqutit imaluunniit immikkut maluginiakkagut Upernaamut aappassaaneerneqarnissaanut Naalackersuisut piffissaqarfignullarlugit akissuteqarnissaat qilanaaraarput.

Taamatuttaaq kissaatiginarpoq illoqarfiit avataanut inissiisoqarsimatillugu toqusoqarnerani timip angerlarsimaffimminut apuunneqarnissaanik ataqqinarnerusumik apuunneqarnissaa anguneqartariaqarpoq.

Ilanngullugu paaserusupparput innarluutillit innorluutillillu uuma inatsisissatut siunnersuummi ataatsimut isigineqarnersut. Imaluunniit immikkut taakku inatsisiliuunneqarniarnersut paaserusupavut.

Taamatullu takusinnaavarput tusarniaaneq qaammatini marlunni ingerlanneqarsimanera akissutigineqartullu iluarisimaarpavut. Maluginiarparput tusarniaavigineqartut pillugit Naalackersuisut eqeersimaarlutik akissuteqartarsimasut. Taamaattumik suleqatigiinneq akimorlugu ingerlanneqarsimanera iluarisimaaratsigu erseqqissarusupparput.

Siumut isumaqarpoq aappassaaneerneqarnissaani Naalackersuisut allannguutissanik siunnersuuteqartariaqartut.

Taamak isumaqarluta aappassaaneerneqarnissaanut Ilaqutariinnermut Peqqissutsimullu ataatsimiittalimi sukumiisumik suliarineqarnissaa innersuussutigalugu ingerlateqqipparput.

Laura Táunâjik, Siumut